

Broj: 122/18

Datum: 26.03.2018. godine

Na osnovu člana 70. stav 1. Zakona o javnim nabavkama Bosne i Hercegovine («Službeni glasnik BiH» broj: 39/14), Člana 53. Statuta JP „BIT Centar“ d.o.o. u Tuzli (broj 001/09, od 12.11.2009. godine, sa izmjenama do broja 387/16, od 30.06.2016.godine), a nakon prihvatanja preporuke Komisije za javne nabavke broj: 121/18 od dana 26.03.2018. godine, Direktor JP „BIT Centar“ d.o.o. u Tuzli, donosi

ODLUKU **o izboru najpovoljnijeg ponuđača**

Član 1.

U postupku javne nabavke „usluga čišćenja objekata JP „BIT Centar“ d.o.o. u Tuzli (Objekti I, II i III) uz obezbjeđenje materijala potrebnog za održavanje čistoće i higijene“, vrši se izbor najpovoljnijeg ponuđača „**Samsic“ d.o.o. Sarajevo**, sa vrijednošću ugovora u iznosu od **12.960,00 KM** bez PDV-a.

Član 2.

Po okončanju žalbenog roka odnosno danom pravosnažnosti ove Odluke, ugovorni organ će pozvati izabranog ponuđača na zaključenje ugovora kojima će se regulirati međusobna prava i obaveze vezane za predmetnu nabavku.

Član 3.

Izabrani ponuđač je dužan da u roku od 5 dana od dana prijema ove odluke, Ugovornom organu dostavi dokaze predviđene članom 45. Zakona o javnim nabavkama. Dokazi koji se zahtjevaju moraju biti u originalu ili ovjerenim kopijama.

Član 4.

O izboru najpovoljnije ponude obavijestiti izabranog ponuđača kao i ostale ponuđače, na način i u rokovima utvrđenim Zakonom o javnim nabavkama Bosne i Hercegovine.

Član 5.

Ovu Odluku, Obavještenje iz prethodnog stava, Zapisnik o pregledu i ocjeni ponuda dostaviti ponuđačima putem pošte preporučeno sa povratnicom i putem e-maila, a u rokovima utvrđenim Zakonom o javnim nabavkama Bosne i Hercegovine.

O B R A Z L O Ž E N J E

Postupak javnog nadmetanja za dodjelu ugovora za nabavku usluga proveden je putem konkurentskog zahtjeva za dostavljanje ponuda, broj: 55/18 od 02.03.2018 godine a u skladu sa Odlukom o javnoj nabavci, broj: 52/18 od 02.03.2018. godine – obavještenje o nabavci 2997-7-2-19-3-1/18 od dana 02.03.2018. Postupak za dodjelu ugovora provela je Komisija za javne nabavke imenovana rješenjem Direktora, broj: 53/18 od 02.03.2018. godine. Za predmetni postupak bio je predviđen postupak e-aukcije u skladu sa Pravilnikom o uslovima i načinu korištenja e-aukcije («Službeni glasnik BiH» br: 66/16).

U postupku javnog nadmetanja utvrđeno je da su na adresu organa blagovremeno pristigle 2 (dvije) ponude slijedećim redoslijedom i u slijedećim vremenskim terminima:

1. Ponuda ponuđača „Atalian Global Services BH“ d.o.o. Sarajevo – dana 12.03.2018 u 09:41 sati.
2. Ponuda ponuđača „Samsic“ d.o.o. Sarajevo – dana 12.03.2018 u 11:32 sati.

Javno otvaranje ponuda u predmetnom postupku održano je dana 12.03.2018 godine sa početkom u 16:00 sati, u prostorijama J.P. „BIT Centar“ d.o.o. u Tuzli na adresi Atik Mahala br.9 u kancelariji br: 311, o čemu je sačinjen i Zapisnik sa otvaranja ponuda br:63/18 i koji je dana 14.03.2018 godine poslat svim ponuđačima preporučenom poštom sa povratnicom. Otvaranju ponuda nije prisustvovao niti jedan predstavnik ponuđača.

Komisija je neposredno prije otvaranja ponuda konstatovala slijedeće:

- da je tenderska dokumentacija bila dostupna na portalu javnih nabavki;
- da je poziv za preuzimanje tenderske dokumentacije sa portala javnih nabavki upućeno na adrese tri firme preporučeno sa povratnicom;
- da je ukupno 14 (četrnaest) firmi preuzelo tendersku dokumentaciju sa portala javnih nabavki upućeno na adrese tri firme;
- da su do roka za dostavljanje ponuda blagovremeno pristigle ukupno 2 (dvije) ponude:
 1. Ponuda ponuđača „Atalian Global Services BH“ d.o.o. Sarajevo – dana 12.03.2018 u 09:41 sati.
 2. Ponuda ponuđača „Samsic“ d.o.o. Sarajevo – dana 12.03.2018 u 11:32 sati.
- da do javnog otvaranja nije bilo neblagovremeno pristiglih ponuda;
- da je kriterij za dodjelu ugovora utvrđen u tenderskoj dokumentaciji najniža cijena.
- da su na kovertu stavljeni redni brojevi prema kojima se utvrđuje redoslijed otvaranja i čitanja ponuda, prema vremenu dostavljanja na protokol ugovornog organa;
- da na javnom otvaranju ponuda nije prisutan niti jedan predstavnik ponuđača kao ni druga lica;
- da je u predmetnom postupku predviđena e-aukcija.

Komisija je javno saopštila podatke o nazivu i sjedištu ponuđača i ukupnu cijenu ponude iz Priloga 3. „obrasca za cijene“ kako slijedi:

R.br.	PONUĐAČ	Cijena bez PDV-a na godišnjem nivou (KM)	PDV (KM)	Ukupna cijena sa PDV-om na godišnjem nivou (KM)
1.	„Atalian Global Services BH“ d.o.o. Sarajevo	2.000,00	340,00	2.340,00

2.	„Samsic“ d.o.o. Sarajevo	12.960,00	2.203,20	15.163,20
----	-----------------------------	-----------	----------	-----------

Komisija je nakon završenog otvaranja ponuda, pristupila analizi i validnosti pristiglih ponuda te konstatovala da sve ponude ispunjavaju uslove sa aspekta zahtjevane dokumentacije definisane u konkurentskom zahtjevu za dostavu ponuda.

Komisija je dana 12.03.2018 godine, konstatovala da je ponuđač „Atalian Global Services BH“ d.o.o. sa sjedištem u ulici Franca Lehara 2. Sarajevo, dostavio dvije različite cijene u Prilogu 2. „Izjava ponuđača“ i u Prilogu 3. „Obrazac za cijene“ koje su sastavni dio konkurentskog zahtjeva za dostavljanje ponuda. S tim u vezi komisija je konstatovala da je navedeni ponuđač u Prilogu 2. „Izjava ponuđača“, upisao da ukupna godišnja cijena ponude (za 12 mjeseci) iznosi 12.992,04 KM bez PDV-a dok je u prilogu broj 3. „Obrazac za cijene“, upisao da godišnja cijena ponude (za 12 mjeseci) iznosi 2.000,00 KM bez PDV-a.

Imajući u vidu da član 17. (4) Uputstva za pripremu modela tenderske dokumentacije i ponuda («Službeni glasnik BiH» broj: 90/14) propisuje da: „Kada cijena ponude bez poreza na dodatnu vrijednost izražena u obrascu za cijenu ponude ne odgovara cijeni ponude bez poreza na dodatnu vrijednost izraženoj u obrascu ponude, važi cijena ponude bez poreza na dodatnu vrijednost izražena u obrascu za cijenu ponude“, te da tačka 3. Priloga 2. – „Izjava ponuđača“ konkurentskog zahtjeva broj: broj: 55/18 od 02.03.2018 godine propisuje da „u slučaju razlika u cijenama iz ove izjave i Obrasca za cijenu ponude, relevantna je cijena iz obrasca za cijenu ponude“, Komisija za javne nabavke je konstatovala da je ponuđena ukupna cijena ponuđača „Atalian Global Services BH“ d.o.o. Sarajevo u iznosu od 2.000,00 KM bez PDV-a na godišnjem nivou (12 mjeseci) u Prilogu 3. „Obrazac za cijenu“ relevantna za ocjenu ponude, te da je ocijenjena kao neprirodno niska u skladu sa članom 66. Zakona o javnim nabavkama BiH i članom 17. Uputstva za pripremu modela tenderske dokumentacije i ponuda («Službeni glasnik BiH» broj: 90/14).

Komisija je dalje konstatovala da se, u skladu sa članom 66. (1) Zakona o javnim nabavkama BiH («Službeni glasnik BiH» broj: 39/14), ugovorni organ obratio ponuđaču „Atalian Global Services BH“ d.o.o. Sarajevo sa Zahtjevom za obrazloženje neprirodno niske ponuđene cijene u ponudi u premetnom postupku javne nabavke te ostavio rok od 3 (tri) dana od dana prijema Zahtjeva. Komisija je konstatovala da je gorenavedeni zahtjev poslat ponuđaču „Atalian Global Services BH“ d.o.o. Sarajevo preporučeno sa povratnicom dana 14.03.2018 godine.

Imajući u vidu da vidu da Ugovorni organ u gorenavedenom roku nije zaprimio traženo objašnjenje od navedenog ponuđača, Komisija je, u skladu sa članom 66. (1) Zakona o javnim nabavkama BiH, na sastanku održanom dana 26.03.2018 godine odbacila ponudu ponuđača „**Atalian Global Services BH**“ d.o.o. sa sjedištem u ulici Franca Lehara 2. Sarajevo **zbog neprirodno niske ponuđene cijene.**

Komisija je dalje izvršila rangiranje prihvatljivih ponuda prema kriteriju za izbor ponude - najniža cijena, kako slijedi:

R.br.	PONUĐAČ	Cijena bez PDV-a na godišnjem nivou (KM)	PDV (KM)	Ukupna cijena sa PDV-om na godišnjem nivou (KM)
1.	„Samsic“ d.o.o. Sarajevo	12.960,00	2.203,20	15.163,20

Obzirom da je nakon provedenog postupka, ponuda ponuđača „**Samsic**“ **d.o.o. Sarajevo**, u iznosu **12.960,00 KM** bez PDV-a na godišnjem nivou ocijenjena kao jedina prihvatljiva ponuda, Komisija za nabavke je dana 26.03.2018 godine predložila direktoru JP "BIT Centar" d.o.o. u Tuzli prihvatanje ponude ponuđača „**Samsic**“ **d.o.o. Sarajevo**, te shodno članu 70. Zakona, donošenje Odluke o izboru najpovoljnijeg ponuđača za nabavku „usluga čišćenja objekata JP „BIT Centar“ d.o.o. u Tuzli (Objekti I, II i III) uz obezbjeđenje materijala potrebnog za održavanje čistoće i higijene“. Imajući navedeno u vidu, odlučeno je kao u dispozitivu.

Pravna pouka: Protiv ove Odluke može se podnijeti žalba ugovornom organu u roku od 5 (pet) dana od dana prijema ove Odluke a u skladu sa članom 99. Zakona o javnim nabavkama BiH («Službeni glasnik BiH» broj: 39/14). Žalba se može izjaviti i elektronskim putem na e-mail: elvir@bit.ba ili preporučenom pošiljkom na adresu: Atik mahala 9, 75000 Tuzla (Kancelarija 311).



Robert Martić
Direktor
Mr. Robert Martić dipl. ecc.

Dostaviti:
1. a/a
2. Ponuđačima